

三才圖會

三才圖會

草木圖會二卷

草類

雲間允明父王思義續集

天名精

決明

茜

五味子

旋花

蛇床

地膚子

千歲藥

景天

茵陳

杜若

沙參

徐長卿

雲實

王不留行

菴耳

葛

地不容

栝樓

苦參

通草

蠶寶

玄參

當歸

三才圖會卷之草木二目錄

麻黃

知母

貝母

白芷

淫羊藿

黃芩

狗脊

石龍芮

茅

紫苑

紫草

前胡

敗醬

白鮮

酸漿

杜蘅

紫參

藁本

天 名 精



天名精

天名精生平原川澤今江湖間皆有之夏秋抽條頗如薄荷花紫白色葉如菘菜而小故南人謂之地菘香氣似蘭故名蟾蜍蘭狀如藍故名蝦蟇藍其味甘辛故名麥句薑一名豕首爾雅所謂蒟蓏豕首是也江東人用此燻蠶蛹五月採此草既名地菘下品又有地菘條一名天門精一名蔬顱一名覲味甘寒無毒主瘀血鼻血不止利小便去痺除胃中結熱又治瘡

决明子



决明子

决明子生龍門川澤今處處有之人家園圃所蒔夏初生
苗高三四尺許根帶紫色葉似苜蓿而六七月有花黃白
色其子作穗如青菘豆而銳十月十日採陰乾百日按爾
雅解苜蓿英苑釋曰藥草决明也郭璞注云葉黃銳赤華實
如山茱萸關西謂之薜苳與此種頗不類又有一種馬蹄
决明葉如江豆子形似馬蹄故名味鹹苦微寒無毒主青
盲目淫膚赤白膜眼赤痛淚出療唇青

根

茜



茜根

茜根一作蒨生喬山山谷今近處皆有之染緋草也許慎
說文解字以爲人血所生葉似棗葉而頭尖下闊三五對
生節間其苗蔓延草木上根紫色陸機草木疏云茹蘆茅
蒐蒨草也齊人謂之茜徐州人謂之牛蔓二月三月採根
暴乾今圃人或作畦種蒨故貨殖傳云卮茜千石亦比千
乘之家言地利之厚也一名地血一名茹蘆一名茅蒐一
名蒨味苦寒無毒主寒濕風痺黃疸補中止血內崩下血
膀胱不足踈跌蠱毒久服益精氣輕身可以染絳

五味子



五味子

五味子生齊山山谷及代郡河東陝西州郡尤多而杭越間亦有春初生苗引赤蔓於高木其長六七尺葉尖圓似杏葉三四月開黃白花類小蓮花七月成實如豌豆許大生青熟紅紫爾雅云蒨莖蔣注云五味也蔓生子叢莖端今有數種大抵相近而以味甘者爲佳八月採陰乾用一說小顆皮皺泡者有白色鹽霜一重其味酸鹹苦辛其味全者真也一名會及一名玄及主益氣欬逆上氣勞傷羸瘦補不足強陰益男子精養五臟除熱生陰中

花

旋



旋花

旋花生豫州平澤處處皆有之其根似筋故一名筋根別錄云根主續筋故南人皆呼爲續筋根苗作叢蔓葉似山芋而狹長花白夏秋生遍野根無毛節蒸煮堪噉甚甘美五月採花陰乾二月八月採根日乾下品有旋復花與此殊別人疑其相近殊無謂也一名筋根花一名金沸一名美草味甘溫無毒主益氣去面疔黑色媚好其根味辛主腹中寒熱邪氣利小便

蛇 床 子



三才圖會卷之百二十一
蛇床子生臨淄川谷及田野今處處有之而揚州襄州者
勝三月生苗高三二尺葉青碎作叢似蒿枝每枝上有花
頭百餘結同一窠似馬芹類四五月開白花又似散水子
黃褐色如黍米至輕虛五月採實陰乾爾雅謂之盱一名
虺床一名蛇粟一名蛇米一名思益一名繩毒一名婁棘
一名墻薜味甘辛無毒主婦人陰中腫痛男子陰痿濕癢
除痺氣利關節癩癧惡瘡令婦人子藏熱

地膚子



本草綱目卷之二十一

地膚子

地膚子生荊州平澤及田野蜀川關中近地皆有之初生薄地五六寸根形如蒿莖赤葉青大似荆芥三月開黃白花八月九月採實陰乾用其苗即獨掃也一名鳴舌草根作叢生每窠有二三莖莖有赤有黃七月開黃花其實地膚也至八月而蕪蕪成可採其葉味苦寒無毒主大腸洩瀉止赤白痢和氣澁腸胃解惡瘡毒三四月五月採一名地葵一名地麥


千 歲 藥



千歲藥

千歲藥泰山川谷作藤生蔓延木上葉如葡萄而小四月
摘其莖汁白而其五月開花七月結實八月採子青黑微
赤冬惟凋葉此即詩云葛藟者也蘇恭謂是蔓真藤深爲
謬妄陶隱居陳藏器說最得之矣一名藟蕪味甘無毒主
補五臟益氣續筋骨長肌肉去諸痺

天 景



三才圖會卷之二十一 木一

十

一七九

景天

景天生泰山山谷今南北皆有之人家多種於中庭或以盆盛植於屋上云以辟火謂之慎火草春生苗葉似馬齒而大作層而上莖極脆弱夏中開花紫碎花秋後枯死亦有宿根者四月四日七月七日採其花并苗葉陰乾攻治瘡毒及嬰孺風癩在皮膚不出者生取苗葉五大兩和鹽三大兩同研絞取汁以熱手摩塗之日再但是熱毒丹瘡皆可如此用之一名戒火一名火母一名救火一名搃火一名慎火味苦酸無毒

茵陳



茵陳

茵陳蒿山泰山味苦微寒主風痺結熱黃疸通身發黃小便不利除頭熱去伏瘕春初生苗高三五寸似蓬蒿而葉緊細無花實秋後葉枯至春更因舊苗生新葉七月採莖葉陰乾今謂之山茵陳江寧府又有一種茵陳葉大根麤黃白色至夏有花實階州有一種名白蒿似青蒿而背白山茵陳亦有數種京下及址地用者如艾蒿葉細而背白其氣亦如艾味苦乾則黑色江南所用葑蕀都似家茵陳而大高三二尺氣極芬香味茸辛俗又名龍腦薄葑蕀葉生細色黃味辛甚香烈性溫誤作解脾藥服之大令人煩

若

杜



杜若

杜若生武陵川澤及宛句今江湖多有之葉似薑花赤色根似高良薑而小辛子如荳蔻二月八月採根暴乾用謹按此草一名杜衡而中品自有杜衡條杜衡爾雅所謂土鹵者也杜若廣雅所謂楚衡者也其類自別一名杜衡一名杜蓮一名白連一名白芩一名若芝味辛微温無毒主風入腦戶頭腫痛多涕淚除口臭久服益精明目

参

沙



沙參

沙參生河內川谷及寃句般陽續山今出淄齊潞隨州而
江淮荊湖州郡或有之苗長一二尺以來叢生崖壁間葉
似枸杞而有叉牙七月開紫花根似葵根筋許大赤黃色
中正白實者佳二月八月採根暴乾一名知母一名苦心
一名志取一名虎鬚一名白參一名識美一名文希味苦
微寒無毒主血積驚氣益肺療胃痺心腹結熱頭痛皮間
邪熱

徐長卿



徐長卿

徐長卿生泰山山嵒谷及隴西今淄齊淮泗間亦有之三月生青苗葉似小桑兩兩相當有光潤七八月著子似蘿摩而小九月苗黃十月而枯根黃色似細辛微麤長有臊氣三月四月採一名別仙蹤一名鬼督郵味辛溫無毒主鬼物百精蠱毒疫疾邪惡氣溫瘧久服強悍輕身

雲

實



雲實生河間川谷高五六尺葉如槐而狹長枝上有刺苗
名臭草又名羊石子草花黃白色實若麻子大黃黑色俗
名馬豆十月採暴乾用今三月四月採苗五月六月採實
實過時即枯落治癰藥中多用之一名貞實一名雲英一
名天豆味辛苦溫無毒主洩痢腸癖殺蟲蠱毒去邪惡結
氣止痛除寒熱消渴

王 不 留 行

三才圖會卷之草木二



十六

王不留行

王不留行生泰山山谷今江浙及並河近處皆有之苗莖俱青高七八寸已來根黃色如薺根葉尖如小匙頭亦有似槐葉者四月開花黃紫色隨莖而生如松子狀又似豬藍花五月內採苗莖曬乾用俗間亦謂之剪金草河北生者葉圓花紅與此小別味苦甘平無毒主金瘡止血逐痛出刺除風痺內寒止心煩鼻衄癰疽惡瘡瘦乳婦人難產

耳 葉



藁耳

藁耳生安陸川谷及六安田野今處處有之謹按詩人謂之卷耳爾雅謂之蒼耳廣雅謂之藁耳皆以實得名也陸機疏云葉青白似胡荽白華細莖蔓生可煮爲茹滑而少味四月中生子正如婦人耳璫今或謂之耳璫草鄭康成謂是白胡荽幽州人呼爲爵耳一名羊負來俗呼爲道人頭實熟時採之一名胡藁一名地葵一名菘一名常思味苦微寒有小毒主風頭寒痛風濕周痺四肢拘攣痛惡肉死肌久服益氣

根

葛



葛根

葛根生汶山川谷今處處有之江浙尤多春生苗引藤蔓長一二丈紫色葉頗似楸葉而青七月著花似䟽豆花不結實根形如手臂紫黑色五月五日午時採根曝乾以入土深者爲佳今人多以作粉食之甚益人下品有根粉條卽謂此也花主消酒一名雞齊根一名鹿藿一名黃斤味甘無毒主消渴身大熱嘔吐諸痺起陰氣解諸毒療傷寒中風頭痛解肌發表出又療金瘡

地 不 容



地不容

地不容生戎州味苦大寒無毒蔓生葉青如杏葉而大厚
硬凌冬不凋無花實根黃白色外皮微麓榻累累相連如
藥實而圓大椽無時能解壘毒辟瘴氣治咽喉閉塞癰人
亦呼爲解毒草一名解毒味苦大寒無毒

樓

栝



括樓

括樓生洪農山谷及山陰地今所在有之實名黃瓜詩所謂果菰之實是也根亦名白藥皮黃肉白三四月內生苗引藤蔓葉如甜瓜葉作叉有細花七月開似葫蘆花淺黃色實在花下大如拳生青至九月熟赤黃色二月八月採根去皮曝乾二十日成其實有正圓者有銳而長者功用皆同其根惟歲久入土深者佳鹵地生者有毒謹按括樓主消渴一名地樓一名果羸一名天瓜一名澤姑實名黃瓜味苦寒無毒補虛勞口乾潤心肺療手面皺吐血腸風瀉血赤白痢炒用

参

苦



苦參

苦參生汝南山谷及田野今近道處處皆有之其根黃色長五七寸許兩指麤細三五莖並生苗高三五尺已來葉碎青色極似槐葉故有水槐名春生冬凋其花黃白色七月結實如小荳子河上生者無花子五月六月八月十月採根暴乾用一名水槐一名苦識一名地槐一名土槐一名驕槐一名白莖一名虎麻一名岑莖一名祿白一名陵郎苦寒無毒殺疳蟲炒帶烟出爲末飲下治腸風瀉血併

熱痢

草

通




通草

通草即木通生石城山谷及山陽今澤路漢中江淮湖南
州郡亦有之生作藤蔓大如指其莖幹大者徑三寸每節
有二三枝枝頭出五葉頗類石韋又似芍藥三葉相對夏
秋開紫花亦有開白花者結實如小木瓜核黑瓢白食之
其美南人謂之鷺鷥後漢書亦云烏覆正月二月採枝陰乾用離
南草也一名活茺山海經又名冠脫生江南高丈許大葉
似荷而肥莖中有瓢正白者是也又名倚商一名附支一
名丁翁微寒主五淋利小便開格治人多睡至水腫浮
大除煩熱

實

蠶



菘實

菘實或云即馬蘭子非是生河東川谷今陝西諸郡及鼎
澶州亦有之近京尤多葉似蕹而長厚三月開紫碧花五
月結實作角子如麻大而赤色有稜根細長通黃色三月
採花五月採實並陰乾用一名劇草一名三堅一名豕首
味甘溫無毒治喉痺咽喉不通以根葉二兩水一升半煮
一盞細喫立通又治胃中熱氣風寒濕痺

参

玄



玄參

玄參生河間及宛句今處處有之二月生苗葉似脂麻又如槐柳細莖青紫色七月開花青碧色八月結子黑色亦有白花莖方大紫赤色而有細毛有節若竹者高五六尺葉如掌大而尖長如鋸齒其根尖長生青白乾即紫黑新者潤膩一根可生五七枚三月八月九月採暴乾或云蒸過日乾一名重臺一名玄臺一名鹿 一名正馬一名威 一名端味苦鹹微寒無毒治頭風熱毒補虛勞損心驚煩燥力乏骨蒸傳尸邪氣止健忘消腫毒

歸

當




當歸

當歸生隴西川谷今川蜀陝西諸郡及江寧府滁州皆有之以蜀中者爲勝春生苗綠葉有三瓣七八月開花似蕤蘿淺紫色根黑黃色二月八月採根陰乾苗有二種都類芎藭而葉有大小爲異莖梗比芎藭甚卑下根亦二種大葉名馬尾當歸細葉名鬘頭當歸大抵以肉厚而不枯者爲勝生山中者名薜一名山蘄在平地者名芹生山中而麓大者名當歸一名乾歸味甘辛大溫無毒治一切風一切血補一切勞破惡血養新血及主癥瘕

黄

麻



麻黃

麻黃生晉地及河東今近京多有之以滎陽中牟者爲勝
苗春生至夏五月則長及一尺已來稍上有黃花結實如
百合瓣而小又似皂莢子味甜微有麻黃氣外紅皮裏黑
仁根紫赤色俗說有雌雄二種雌者於一月四月內開花
六月內結子雄者無花不結子至立秋後收採其莖陰乾
今青用一名卑相一名龍沙一名卑塩味苦温無毒通九
竅調血脈開毛孔皮膚逐風破癥癖積聚逐五臟邪氣退
熱禦山嵐瘴氣

知母



知母

知母生河內川谷今瀕河諸郡及解州滁州亦有之根黃色似菖蒲而柔潤葉至難死掘出隨生須燥乃止四月開青花如韭花八月結實二月八月採根暴乾用爾雅謂之薄又謂之菴蒲是也一名妖母一名連母一名野藜一名地參一名木參一名木浚一名貨母一名媿母一名女雷一名女理一名兒草一名鹿列一名韭逢一名兒踵草一名東根一名水須一名沈燔一名薄味苦寒無毒治熱勞傳尸疰病通小腸消痰止嗽潤心肺補虛乏安心止驚悸

母

貝



貝母

貝母生晉地今河中江陵府郢壽隨鄖蒸潤滁州皆有之
根有瓣子黃白色如聚貝子故名貝母二月生苗莖細青
色葉亦青似蕎麥葉隨苗出七月開花碧綠色形如鼓子
花八月採根曬乾此有數種鄒詩言采其苗音陸機疏云
貝母也其葉如栝樓而細小其子在根下如芋子正白四
方連累相著有分解今近道出者正類此郭璞注爾雅云
白花葉似韭此種罕見此藥亦治毒瘡一名空草一名藥
實一名苦花一名苦菜

一名商草一名勤母味半苦微寒
無毒消痰開心肺止嗽治惡瘡

芷

白



白芷

白芷生河東川谷下澤今所在有之吳地尤多根長尺餘
白色麤細不等枝幹去地五寸已上春生葉相對婆婆紫
色濶三指許花白微黃入伏後結子立秋後苗枯二月八
月採根暴乾以黃澤者爲佳楚人謂之葯九歌云辛萸擘
方葯房王逸注云葯白芷是也一名芳香一名白蔞一名
藿一名莞一名苻離一名澤芬葉名蒿麻味辛溫無毒治
心腹血刺痛除風邪主女人血崩及嘔逆明目止淚出

淫羊藿一名仙靈脾生上郡陽山山谷今江東陝西泰山
漢中湖湘間皆有之葉青似杏葉上有刺莖如栗稗根紫
色有鬚四月開花白色亦有紫色碎小獨頭子五月採葉
曬乾湖湘出者葉如小豆枝莖緊細經冬不凋根似黃連
關中俗呼三枝九葉草苗高一二尺許根葉俱堪使一名
剛前味辛寒無毒主堅筋益骨丈夫絕陽不起女子絕陰
無子四肢不仁老人昏耄

芩

黃



黃芩

黃芩生秭歸山谷及宛句今川蜀河東陝西近郡皆有之
苗長尺餘莖餘如筋葉從地四面作叢生類紫草高一
尺許亦有獨莖者葉細長青色兩兩相對六月開紫花根
黃如知母麓細長四五寸二月八月採根暴乾用之吳普
本草云黃芩又名印頭一名內虛一月生赤黃葉兩兩四
四相值其莖中空或方圓高三四尺花紫紅赤五月實黑
根黃二月九月採一名腐腸一名空腸一名內虛一名黃
芩一名經芩一名妬婦

味苦大寒無毒治骨蒸寒熱往來
腸胃不利治下瘡排膿乳癰發背

春

狗



三
同
下
大
百
大
二

十

四
十

狗脊

狗脊生常山川谷今太行山淄溫眉州亦有之根黑色長三四寸兩指許大苗尖細碎青色高一尺已來無花其莖葉似貫衆而細其根長而多岐似狗脊骨故以名之其肉青綠春秋採根暴乾用今方藥用金毛者一名百枝一名強脊一名扶蓋一名扶筋味苦微溫無毒治脚氣濕痺腎氣虛弱補益男子續筋骨

石 龍 芮



石龍芮生秦山川澤石邊陶隱居云近道處處有之今惟
出兗州一叢數莖莖青紫色每莖三葉其葉茸茸短小多
刻缺子如葶藶而黃色五月採子二月八月採皮陰乾用
能逐諸風除心熱燥蘇恭云俗名水董苗如附子實如桑
椹生下濕地此乃水董非石龍芮也一名魯果能一名地
椹一名石能一名彭根一名天豆味苦無毒能逐諸風主
除心熱燥

茅根



茅根

茅根生楚地山谷田野今處處有之春生苗布地如針俗
間謂之茅針亦可噉甚益小兒夏生白花茸茸然至秋而
枯其根至潔白亦甚其美六月採根用今人取茅針接以
傳金瘡塞鼻洪至暴下血及溺血者殊效又有管亦茅類
也一名蘭根一名茹根一名地管一名地筋一名蕪杜味
甘寒無毒花通血脉淋瀝又治刀箭瘡止血并痛根主婦
人月經不勻

苑

紫



紫苑生房陵山谷及真定邯鄲今耀成泗壽台孟州興國
軍皆有之三月內布地生苗葉其葉三四相連五月六月
內開黃紫白花結黑子本有白毛根甚柔細二月三月內
取根陰乾用又有一種白者名白苑蘇恭云白苑卽女苑
也一名紫菀一名青苑味苦辛溫無毒調中及肺痿吐血
消痰止渴潤肌膚添骨髓

草

紫



紫草

紫草生礪山山谷及楚地今處處有之人家園圃中或種
蒔其根所以染紫也爾雅謂之藐廣雅爲之苾莫茜似蘭
香莖赤節青二月有花紫白色秋實白三月採根陰乾用
一名紫丹一名紫芙味苦寒無毒治五疸利九竅又去瘡
窩癬

胡 前



前胡

前胡今陝西梁漢江淮荆襄州郡及相州孟州皆有之春
生苗青白色似斜蒿初出時有白芽長三四寸味甚香美
又似芸蒿七月內開白花與慈花相類八月結實根細青
紫色二月八月採暴乾今邠延將來者與柴胡相似但柴
胡赤色而脆前胡莖而柔軟不同耳江東有三四種一種
類當歸皮斑黑肌黃而脂潤氣味濃烈一種色理黃白似
人參而細短香味都微又有如草烏頭膚黑而堅有兩三
歧爲一本者然皆非前胡也味

苦微寒無毒治勞下氣止
噉開胃風頭痛明目益精

醬

敗




敗醬

敗醬生江夏川谷今江東亦有之多生崗嶺間葉似水蓼及薇銜叢生花黃根紫色似柴胡作陳敗豆醬氣故以爲名八月採根暴乾用一名鹿腸一名鹿首一名馬草一名澤敗味苦微寒無毒治赤眼火瘡疥癩疽痔馬鞍熱氣風痺不足產後疾痛

鮮

白



白鮮

白鮮生上谷川谷及寃句今河中江寧府滁州潤州皆有之苗高尺餘莖青葉稍白如槐亦似茱萸四月五月開花淡紫色似小蜀葵根似蔓菁皮黃白而心實四月五月採根陰乾用又云宜二月採差晚則虛惡也其氣息都似羊羶故俗呼爲白羊鮮又名地羊羶又名金雀兒椒其苗人以爲菜味苦寒無毒主頭風黃疸眼痛一切熱毒風風瘡疥癬婦人產後餘血

酸

漿



酸漿

酸漿生荆楚川澤及人家田園中今處處有之苗似水茄而小葉亦可食實作房如叢匕中有子如梅李大者赤黃色小兒食之尤有益可除熱根似菹芹色白絕苦搗其汁飲之治黃病多効五月採陰乾爾雅所謂葍寒木郭璞注云今酸漿草江東人呼爲苦葍是也今醫方稀用一名醋漿味酸平寒無毒主熱煩滿定志益氣利水道產難吞其實立產

杜 蘅



三才圖會卷之八 草木二

四

杜蘅江淮間皆有之苗葉都似細辛惟香氣小異而根亦
麓黃白色葉似馬蹄故名馬蹄香三月三日採根熟洗暴
乾山海經云天帝之山有草狀如葵其臭如薜蘿名曰杜
蘅可以走馬食之已癩爾雅謂之杜又名土鹵今人用作
浴湯及衣香甚佳味辛溫無毒主風寒欬逆

参

紫



紫參

紫參生河西及宛句山谷今河中解晉齊及淮蜀州郡皆有之苗長一二尺根淡紫色如地黃狀莖青而細葉亦青似槐葉亦有似羊蹄者五月開花白色似蔥花亦有紅紫而似水荳者根皮紫黑肉紅白色肉淺而皮深三月採根火炙令紫色又云六月採曬乾用一名牡蒙一名衆戎一名童腸一名馬行味苦辛微寒無毒能散瘀血主心腹堅脹治婦人血崩不通

本 藁

三才圖會卷之草木二



四三

藁本

藁本生崇山山谷今西川河東州郡及兗州杭州皆有之
葉似白芷香又似芎藭但芎藭似水芹而大藁本葉細耳
根上苗下似禾藁故以名之五月有白花七八月結子根
紫色正月二月採根暴乾三十日成一名鬼卿一名地新
一名薇莖味辛苦微寒無毒能治一百六十種惡風